



《續修四庫全書》編纂委員會編

# 續修四庫全書

上海古籍出版社

# 李文襄公年譜

〔清〕程光祿撰

據遼寧省圖書館藏清康熙刻本影印原書版框高二〇四毫米寬二九六毫米

# 五五四・史部・傳記類

李文襄公年譜一卷〔清〕程光燾撰……………一

陸稼書先生年譜定本二卷附錄一卷……………三九

〔清〕吳光西撰……………三九

漁洋山人自撰年譜註補二卷……………一三九

〔清〕惠棟撰……………一三九

漫堂年譜四卷〔清〕宋犖撰……………一七三

顏習齋先生年譜二卷〔清〕李塨撰……………二五九

閻潛丘先生年譜一卷〔清〕張穆撰……………三二一

張清恪公年譜二卷〔清〕張師杖……………三八七

張師杖撰……………三八七

李恕谷先生年譜五卷〔清〕馮辰撰……………四五

襄勤伯鄂文端公年譜一卷……………五四七

〔清〕鄂容安等撰……………五四七

阿文成公年譜三十四卷（卷一至卷十二）……………六一九

〔清〕那彥成撰……………六一九

序

壬申之歲竊得參訂武定先生年譜已又盡得所為奏疏文移諸稿頗檢點之既卒業撫卷而慨然何其與有明王文成公生平奕世同符也文成撫南贛而定宸濠之亂先生制兩浙而定耿逆之亂皆值藩臣干正其事同也文成論功錫世爵先生亦論功得世職其酬勳亦同也夫漢之周勃亞夫唐之李郭等豈不亦更一傳而再造者乎然類皆兜鑿之臣耳卽留侯武侯鄴侯非武臣矣而不出於科目惟文成與先生皆以名進士起家而知軍旅之事故曰同也然而

年譜

唐序

亦有不同者文成獨見知於王晉溪司馬預爲戡定之謀先生乃受知於

聖主得奏匡扶之績則其知遇不同宸濠羽翼未定一鼓而擒耿逆犄角方張三載始靖則其難易不同文成由郎署上封事不畏強禦謫官幾羅不測先生由烏府拜昌言亦不畏強禦超遷獨承異數則其遭逢不同文成事平而起讒言迨易世而後膺新建之封先生事平而內召大司馬大家宰授世職而有綸屏之拜則其酬庸不同獨是文成嘗聚徒講學而以良知爲宗先生則以至誠爲本姑無論學術卽遭逢建豎

李文襄公年譜 序

有如文成者抑亦指不多屈矣而先生山司理以來

正色敢言不避強貴凡所規畫皆救時之良藥著爲令甲者班班可考此卽先生卓比橫經之餘也及出督浙師力清海內餽遺之習且傾產以佐鼓勵用命之資危坐輪指扼塞在握屬吏對而驚心三軍聞而感泣行間流離之屬已成死別而僥得生聚以歸鄰省革心之衆不投近壘而遠來釋戈於浙而先生運籌之詞亦惟曰廓然而大公物來而順應而已講學孰有大於是者哉故雖偏裨走卒皆得引入帷幄卽其疾苦而知其情狀以奏奇功至於軍需支領之數

年譜

唐序

以不先關白司農而屢不得請於會計者殊撓鬚情然不以爲意也謂當其時甲冑被體矢石當胸業已置吾性命於度外而遑計及身家之區區耶懋賞之王言如雲宣捷之露布如雨筦中樞歷冢宰金甌之

九重最慎重而不輕下者而卒以畀之上下感孚之盛宜若文成生平所未嘗有者蓋其與文成同者直逆藩之亂紀而其所不同者達

皇上之知人也而要之非至誠之格乎不及此夫誠卽知也良知卽誠之至也究之未有異學也歸

關廷後絕口不言蕩平之事亦不一登貴戚之門一介不

苟取與落落不與時諧然名益高而情益孤矣未幾

一再乞休致政歸里日惟杜門謝客雖盛暑嚴寒肅

衣冠一編獨對而已先生雖不能與時俯仰然數歷

中外激頑洗貪扶翼世教增重

國光其爲翌贊不止在疆場勦勞已也迨

皇上已巳南巡先生率在籍諸臣同地方官恭迎

聖駕於德州郊次

皇上停鑾問勞垂詢年齒

天顏晤穆玉音和暢嘗辱從簪羽之後親見其盛自昔勳

年譜

唐序

三

臣以功名始終精力矍鑠雍容里門者史冊不易多

得微論文成矣今彙集章奏若干卷啓稿咨稿文告

之屬凡若干卷以行於世猶記十餘年前曾有贈句

云陰功武惠爲前輩封爵文成屬後身覽斯集者其

亦有感於明良之會也夫時

康熙三十有二年癸酉正月淄川舊史氏唐夢賚拜

手敬題

李文襄公年譜

杭州受業程光祿編輯

歲在壬戌明天啓二年八月十八日卯時 公生於

山東濟南府武定州諱之芳號鄰園 先世自眞定

府棗強縣徙居武定諱牒洵經兵燹散失宗系遠不

可考高曾以來代有隱德爲閭里所稱祖墓在州之

北距城三里許以公貴建坊樹表豐碑崇墓佳城鬱

蔥積善忠孝之家盛事也

癸亥天啓三年公二歲

甲子天啓四年公三歲

年譜

一

乙丑天啓五年公四歲

丙寅天啓六年公五歲

丁卯天啓七年公六歲

戊辰崇禎元年公七歲

始就外傳

己巳崇禎二年公八歲

庚午崇禎三年公九歲

辛未崇禎四年公十歲

壬申崇禎五年公十一歲

癸酉崇禎六年公十二歲

一日就塾偶遇方外異人目公曰郎君好自愛公輔之相也

甲戌崇禎七年公十三歲

初應童子試見知於王崇巖郡侯

乙亥崇禎八年公十四歲

丙子崇禎九年公十五歲

丁丑崇禎十年公十六歲

戊寅崇禎十一年公十七歲

娶元配夫人胡氏

時山東督學使者爲浙江翁一猷先生解元名進士

年譜

衡鑑公明考塲生童交卷多面閱得公卷卽欣賞大

書取字示之補濟南府庠生

己卯崇禎十二年公十八歲

庚辰崇禎十三年公十九歲

辛巳崇禎十四年公二十歲

壬午崇禎十五年公二十一歲

鄉試中式第九名

癸未崇禎十六年公二十二歲

丁父母憂居喪營葬皆遵古禮

國朝順治元年甲申公二十三歲

順治二年乙酉公二十四歲

順治三年丙戌公二十五歲

春試南宮未第

順治四年丁亥公二十六歲

是年

詔復行會試中式第九十六名

殿試三甲第四十四名

順治五年戊子公二十七歲

順治六年己丑公二十八歲

授浙江金華府推官

年譜

十一月蒞任首謝請託夔俗薦紳遊客遇事率多關

說民志輒不獲伸公槩絕之訟獄以平

東陽縣多盜賊鄉結爲社卽古守望相助意武弁好

事動必徵調致都社呈控上官委公查覆公謂設防

以來民既苦於土物之餽又苦於芻蕘之供若再迫

以奔走折衝恐馬力之竭而泛駕也防官誠能訓練

精銳之氣自倍安用此不知步伐之社兵壯其旗鼓

乎給示禁飭毋容後時

順治七年庚寅公二十九歲

總兵馬進寶卽馬逢知駐金華性驕縱所部兵毋抑

買民物民漢以爲患官吏緘口莫敢問惟公繩兵以法逢知泣訴道府欲令地方官監買公拒以無此例但令其照市價無擾民乃得安迨後遂知以不軌伏誅是公於十數年前已先見而概邪覲矣

金華縣民張十三衙堂兄張三兩宿怨乘孤村夜雨棍擊三兩立斃偕弟張十四投屍溪中滅跡三兩有寡嫂倪氏聞聲及其妹張氏啓戶視之血漬殷然張氏具控以雪兄冤證據明確兇犯亦俯首服辜而上司必欲獲屍檢驗且以兇仗不得再三批駁幾成漏網公謂乘屍逝波必滅兇仗若以無屍檢驗得從後

年譜

四

脫則乘屍水中之律可以不設况木棍可滅而血漬難泯倪氏雖死而張氏猶存卽張十三妻范氏亦不能爲夫諱安能寬其殺兄之戮卒正典刑

順治八年辛卯公三十歲

巡按御史杜公覺卷按部金華欲清理獄囚時逮繫者數十餘案杜語公令吏胥攜卷以備省察公曰不須攜卷但逐案喚問卽可清理至則某案情罪緣由如是某案口供前後如此詳述纖悉無遺杜曰此真司理也

婺城當兵燹後土著流散市鮮寄廛卽有舊家舍宇

悉爲隨征將卒占住民多野棲露宿之歎公逐一清查將營弁大廈一十一所兵房一百五十七所給歸原主民始得聚廬而居焉

秋八月浙江鄉試公同考分易二房得趙昕許兆桂范敬生楊學溥張晉錢洪泰周瓚許曰霖等八人許曰霖後更名曰琮登進士官御史

是年八月二十一日恭遇

覃恩授公爲文林郎

救贈公父如其官母贈孺人元配胡氏封孺人

年譜

五

撫按委修賦役全書先是委杭湖二刑官編纂日久未報成書遂改委公公念賦役一書爲國計民生所係於是稽求往牒斟酌時宜多者裁闕者畱挂漏者考覈隱蝕者清釐哀多益寡務求合於大公用經久遠費盡斟酌澣心書成上之各院撫院蕭批該廳於布在方策中斟酌通融因革損益具見爲國民籌計苦心按院杜批條分縷析備徵石畫如議編纂付之剞劂以垂永久

部民周成之與周彝之同族鴈行素有隙乘陳希文被劫失牛告緝在縣遂將彝之呈首復於彝之家搜

獲一牛私囑希文冒認致葬之莫能辯竟陷死法筆楚之下妄扳周英之等英之激而上控公察辭辨色反覆推究乃知向指所盜係成之設謀以害葬之而英之等尤屬蕪辜據縣詳則葬之萬無生理公按罪成之而出葬之沉寃始雪羣稱神明

順治十年癸巳公三十二歲

巡道以獲盜大案委訊內有李四陳鸞等一案已論強劫坐十一大辟矣公鞠而疑之謂屠法與吳成二家同日被盜居非連址且相距甚遠李四陳鸞等既盜吳成何能又盜屠法審據屠法稱入門止覺二三

年譜

六

賊吳成亦供不過三人呼鄰追散因辨初招開列多人之非引強劫論死之誤乃將李四陳鸞詳贓各杖餘犯竟行釋放

方銓九殺死方五十五及妻陳氏事經五年屢訊未服幾於漏網公平心研審不動刑訊而虛實各獻其情總由至誠明察民莫敢欺公在婺六載於八邑健訟慣証之徒一經對簿數年不忘再見即能舉其姓名以故奸猾斂跡服心向化

義烏縣令宋某與駐防武弁不相能武弁懇於上司委府廳鞠之宋令持三百金乞助公論之曰武弁暴

橫使有司不得為民戢兵余所夙惡也余惟秉公審斷乃能令彼心服若先自私易由執法弗受迫鞠訊之日剖決兩造俯首允協卽堂官亦不能出一語唯唯而已

是年舉公卓異

恩賜蟒袍褒榮

順治十一年甲午公三十三歲

四月陞刑部廣東司主事將司理讞稿彙次成帙顏為棘聽草刊刻問世并載著攝郡邑各篆事時條陳民隱疾苦及纂修賦役全書調劑制用征輸安全良

年譜

七

法公自序有云凡所承斷一秉大公使訥者盡言諱者獻詐反覆推勘務得其情而已卽有不得寧為閉閣勿為飾簡又云念此三尺誠非武健自快之物鏡其情理以準於法苛心恕心兩無所庸於此見公之明刑慎獄學力心術而恤民體

國早裕變理輔相器度

十一月抵京師蒞刑部任

順治十二年乙未公三十四歲

上諭各部院衙門有才優經濟堪任養民者咨送吏部從優擢用滿漢堂官僉議舉公公力辭或謂公曰優陞

他人求之不得君奚辭爲公曰余歷俸尚沒未敢先人後堂官乃以他人易之且語公曰失此機會勿後悔公曰若有後日之悔則無今日之言

順治十三年丙申公三十五歲

三月陞刑部山西司員外郎協修

大清律

十一月陞刑部湖廣司郎中加一級 題畱久任

順治十四年丁酉公三十六歲

三月初十日授公階朝議大夫

誥贈公父如其官母贈恭人元配胡氏封恭人送一子入

年譜

八

國子監讀書以長子鍾麟廢

獄積案獄詞時南關科場弊發

世祖章皇帝命嚴鞠令將在事六十餘人口供勘語摘爲六

十餘疏各予以應得之罪款狀糾結婪如亂絲啓心

郎不能理舉以委公公立辨明晰瞭如指掌是時

世祖知公辦理明敏獨承

斧注遇六月

恩詔加一級總理刑部十四司案稿

上諭裁刑部啓心郎一時十四司科抄董成無人僉議以

公總理其事京抄毋招冊數百葉公曰各省刑獄闕

實於內部民命繫焉若有一綫可生之機不爲詳細看出是由我殺之也以是毋招必再三繙閱平反甚多

順治十五年戊戌公三十七歲

九月

世祖御試改授監察御史

十月補廣西道監察御史

十一月有釐革私僉民解清奸除弊禁革委官查勘

以恤民生嚴察假冒棍徒以靖地方各疏

順治十六年己亥公三十八歲

年譜

九

春正月都察院堂劄爲政治既期精詳法守宜垂畫

一事奉

旨選委專管纂修會典夏五月巡視西城秋七月以悖

旨委官特參兩廣總督

順治十七年庚子公三十九歲

正月掌陝西道事

六月代巡山西按部所歷必延見士民細訪疾苦以

圖實政食墨解綬勢豪屏息

公廉知晉省風俗漸澆婦女毒毒輕生或舅姑妯娌

夫婿之間稍有嫌隙輒投井雉經仰藥勿頸母家藉

以拾奪豪猾因之索詐一婦之死致父子兄弟相率  
傾家公先示諭明禁復嚴加重懲拾奪索詐者務必  
追給卹分帛齋醮亦不准有司輕斷澆風頓除  
順治十八年辛丑公四十歲

學士常公格燭子師事 時公巡方三晉

世祖賓天遇常學士於哭臨所學士謂公曰敬服先生爲聖  
賢中人也學士還京師復語同官稱公盛德不可及  
不去口公入都學士過邸會晤敘談竟日未幾寢疾  
曰吾生平雅重李公願得一枉車騎永訣死不恨矣  
公造問疾學士扶病款洽且命其子出拜囑云公常

年譜

十

今聖賢若等每事師之毋忘吾言尋卒按常學士父  
達公游位至大學士諡文成始造

國朝字諧聲分類佐同文之治述國語垂世法是父是子  
亦可謂聖賢中人矣

是年停止巡方 公於文到日卽將行過案牘槩送  
撫院採吏自公須一加檢點公曰凡我所行無不可  
與人知何檢點爲麾使去遂單車就道不移晷  
五月在京邸因督催兵餉全完加一級  
康熙元年壬寅公四十一歲  
時值

李文襄公年譜

大計考績黜幽有特參老邁監司糾拾溺職學臣各疏

夏四月十三日恭人胡氏卒公爲行狀曰嗚呼恭人  
與余相莊二十四年而恭人卽世神爽日遐忽已一  
周今展廬有日而恭人令問淑德懼無以昭管形雖  
馬鬣崇隆無異委壑况其從我於艱難不可忘也用  
是取所衆著綜條如左無復文采惟不誣耳恭人姓  
胡氏世爲順禮里人父胡公萬錦母程氏儉耕相敬  
蘊義懷仁雖其聲名不出閭左而鄉之言隱德者歸  
之恭人生而凝重自其幼時峻整有儀法余舅氏知  
其賢爲言於先朝議筮之良遂委禽焉恭人乃以年

年譜

十

十七歸余猶逮事先王父母先朝議太恭人先王母  
時稱內則女誠諸篇以教恭人恭人謹受教婉婉娉  
娉姁姁如也先太恭人性端察恭人承之言笑稀絕而  
色養甚備儻醜老癯手自調糲奉爲姑驩遇有疾病  
卽一切滌滌澣漱嘗先意刺情不需呼命察疾將作  
變憂憚憚無敢啖飲無敢臥寐必調適而後卽安蓋  
上事兩世卽無不意心歎稱之者人以爲難無何癸  
未大變家遭閔凶余握文據几研昏練爽不知米鹽  
何等恭人晚寢早作手經指挂黽勉有無卽緩急無  
苦乏絕者其爲弟妹支持婚嫁辛勤伙助不以無爲

七

解曰吾其爲死者撫生者令死者復生者不愧耳  
丁亥余踏都門幸以一經收於主者報至恭人悲泣  
不能歡曰惜哉舅姑不及見也已丑之官實發恭人  
從焉余既稱法吏拔難破柱感至氣發輒不禁齒齟  
齟張呼譽之聲殷動牆宇恭人已聞之顧謂余何事  
威怒四達如此南人更不任棰棒幾何不牙戰毛粟  
耶會簿牒叢劇質成者糜至余戴星出燭再跋不得  
寢以爲常恭人曰人言榮進夷猶耳庸知其殫瘁至  
此孰與夫荒邨小築種蔬養躬修閒居遂初之樂乎  
余至今猶愧其言也屬育女見乳媼民間有棄子應

年譜

十二

募者恭人詢得其情急遣令出曰吾何敢憚乳哺之  
勞而飢人之子爲余奉

簡書視晉陽瀕行恭人惻然爲余言緒斧不患無威惠過  
威耳過威則傷人必多其仁心爲質皆此類也兩際  
聖恩辛卯封孺人丁酉又晉封以次薦副笄六珈焉奕  
華舉是時宗姻內外無近遠畢會皆吁嗟言曰天之  
報施仁人如此恭人益自傷顯號褒錫幾得以榮尊  
倬而不待也乃爲象服卽墓下焚告然後一御新衣  
北向呼天祝釐云恭人性不蓄財雞鳴戒旦常誦積  
金不如積德一語余亦所至握冰履霜鼎金聚馬羊

之誓向非恭人澹蕩於榮利則亦安能動無北門之  
譴靜有由房之歡者乎余徊翔中外既十餘年諸閭  
內事無鉅細一切倚辦恭人恭人握轡守衡蓼菜甌  
甌不失堤列執麻哀課紡績賦事庀功有程有要余  
所得馳驅王事而無內顧者恭人力也恭人雖身膺  
綸命猶浣衣菲食如未貴時訓女婦御婢妾必教之撙節  
儉素遺絲棄縷無弗掇而藏之者乃若寢廟歲時享  
祀躬親錡釜必精必虔尤好行其德厚親黨篤故舊  
收俸養卹飢寒皇皇乎如有所者也汲汲乎如有所  
追逐也恭人素多病顧矻矻操作無間時雖甚困憊

年譜

十三

加必整枕簟必斂箴管繫裘必不率爾置之疾革之  
日神理炯然無所愴恨以終恭人生於明天啓壬戌  
十月二十七日丑時卒於康熙壬寅四月十三日午  
時得年四十一耳子男子二鍾麟攀麟嗚呼恭人爲  
余家勞人者二十有四年孝友慈儉薄於奉身而厚  
於施人嚴於教子而寬於御下簡重有識語多合道  
者余惟甚無能多一言也

冬十月公給假歸里

康熙二年癸卯公四十二歲

四月十二日葬恭人胡氏御史傅公辰撰墓誌且爲

贊曰余與鄴園公相距百里素稱石交既而同入烏府朝夕聚首仰退食之暇亦源源晤語故聞恭人之賢甚悉去歲處京邸鄴園有悼亡之賦同人皆爲之惻然謂郝禮鍾法微音莫嗣矣又銘曰備其德飭其容寵章貴馬鬣封億萬斯年式茲幽宮誌文多同行述故不全載

六月公繼娶張氏

秋假滿還京師八月補湖廣道監察御史加二級

康熙三年甲辰公四十三歲

十二月有請嚴叩

年譜

十四

開定例審虛治罪以肅政體直陳奸棍誣逃以安民生各

疏

康熙四年乙巳公四十四歲

三月有大僚關係甚重甄別不可不行請酌議追罰

事例過當各疏

四月巡視西城

康熙五年丙午公四十五歲

春正月有請

敕各部院衙門察奏庸員疏

二月有春月農務踏勘宜緩疏

秋巡視兩浙鹽課

康熙六年丁未公四十六歲

兩浙鹽政舊多積弊公下車三日卽將商引給發以除從前扣畱科派之弊革按臨各所掣鹽供應飭運司指勒商人水程陋規禁各官鎖營掣鹽積患嚴關員盤驗需索治捕役構通販私惟安商恤電剔蠹鋤奸實節商家之費並除電場之害

是年差竣九月復

命遇十一月

恩詔加一級

年譜

十五

康熙七年戊申公四十七歲

公掌京畿道事有特糾科臣嚴覈郡守駁參司道徇

庇各疏

康熙八年己酉公四十八歲

公掌河南道事有政本關係甚重票擬理宜嚴速請

甄別督撫以挽貪風請酌勒限緝賊之法請嚴錢糧

覺察官役侵欺積弊各疏

康熙九年庚戌公四十九歲

四月有請除無益條例疏 同三法司校正

大清律滿漢字義畫一遵行

八月內陞以正四品頂帶食俸仍管河南道監察御史事奉

旨同大學士六部諸臣參定滿洲漢軍漢官品級考

甯掌河南道一年公共呈循例更換詞云

實錄開載江浙山陝五掌道川兩差御史掌一年未差御

史掌道止六箇月其掌河南道雖未題定大約與五

掌道月日不遠今職以內陞甯掌道已逾一年祈照

五掌道例一體更換庶臺規昭而愚分安

公歷

計典京察二次悉乘至公無論苞苴餽遺嚴卻弗通卽知

年譜

十六

交情面亦俱謝絕

康熙十年辛亥公五十歲

六月有密陳封疆關係非輕翼鎮當求實濟請停止

薦舉卓異官員各部行察請禁雜流委署各疏皆著

爲例

康熙十一年壬子公五十一歲

二月陞都察院左副都御史舊例御史內陞必由太

常太僕少卿或通政司左右叅議大理寺丞及督捕

左右理事官順天奉天府府丞洊轉公前以內陞四

品仍甯現任管事

恩遇逾格今奉

特旨陞副憲皆從未有之異數也

議盜案處分 公以緝盜之法督責太嚴勢必至於

諱盜誣良於是會同閩衙門上疏嗣奉部議允行有

司乃稍免盜案所註至今守之爲例

六月有請覺察奸蠹內外盡一以祛積弊請省外官

過當處分以裨吏治議巡鹽當有實政不宜專論課

完又請嚴飭諱盜累民各疏皆報可

是年奉

命差赴浙江勘問杭常二御史事

年譜

十七

皇上知其賊罪甚晰面諭嚴切以部郎副公行公卽日就

道質審情狀各無異辭遂復命

公任御史歷左副都御史在臺中十四年凡有建白

皆忠言謫論關係朝野大利弊彈劾不避權貴不肯

隨人好惡借衆俯仰諫草載文集

十月陞吏部右侍郎

康熙十二年癸丑公五十二歲

四月京察有違例自陳疏六月奉

特旨以兵部右侍郎兼都察院右副都御史總督浙江軍

務兼理糧餉適值

皇上宴羣臣於瀛臺賦柏梁體詩禮部奏李某轉兵部右

侍郎總督浙江軍務應否與宴序坐奉

旨李之芳着與宴從吏部右侍郎職銜通同諸臣恭和

御製柏梁體詩宴畢

賜蓮藕八月朔日

陛見辭

賜鞍馬奏明便道歸里展墓告祭家廟示長子鍾麟曰買

表之嘗謂仕宦當作御史否則為將帥餘不足為也

余行能淺薄先任御史今擢總督則居然將帥之任

矣念一介儒家子荷

年譜

十六

兩朝恩遇惟有殫心圖報無復為私計者吾生平大節汝

所稔知脫有緩急則以家財濟之其勿靳嗣是軍興

招募健兒犒賞餽餉所費鍾麟輒鬻產供應皆如公

命無敢少違

十月十五日抵浙江總督任

康熙十三年甲寅公五十三歲

春正月聞吳三桂據雲南叛遂飭沿海等處重嚴武

備

三月初四日疏請提鎮協各營試用銃砲循例開銷

火藥攻堅擊遠為軍中首資

十六日疏請增設督提二標及各鎮協營兵馬

二十九日福建耿精忠反報聞隨檄各路官兵分守

要害

四月初一日疏請

救江南省滿漢官兵調集交界之地以資聲援江西省於

廣信駐宿重兵以防崇安大關一路或有警急咨調

策應

初三日疏請迅發大兵剋期援剿

檄發本標中軍副將王廷梅統領勁兵一千名先赴

衢州堵禦仙霞關

年譜

十九

初七初十等日賞資官兵勉以大義命將至江山縣

援剿復會同將軍撫院提督議駐兵衢州扼閩浙要

塞公曰

朝廷以封疆之任屬吾儕事至須身先之吾雖文臣然位

在提督右當襄糧倍道而行遂決計趨衢州公念從

征將士俱有內顧妻子之憂又與將軍撫院提督公

議滿漢綠旗官兵均於額俸餉銀外再行賞資咸以

奏銷為慮公曰以

朝廷錢糧資

朝廷將士俾出死力捍衛封疆情理允協且揆之時勢人

情洵未定小有怨望緩急未必可用今日之舉吾身任之惟期有濟公事迫顧其他額外優給官按月俸銀兵按一月餉銀之數不論隨征守汛差員赴省領支

十九日疏請照例支給滿漢綠旗官兵行糧馬匹草豆聽部議奪

二十九日疏陳各路塘報情形

五月十五日親統領本標並杭協營江南提標官兵共一千五百名申嚴軍令自杭赴衢欽遵

上諭公同平南將軍賴塔一應軍機事務酌而行時撫

年譜

二十

院及紳士俱以省城為控制重地不欲公去杭云

吾奉

督兵豈敢坐誤機會且方今事勢所爭在衢苟上游失守不但全浙動搖將江淮以南皆震驚矣遂行舟次富陽一卒與賣菜傭競令立縛鞭之從官請少寬公曰法令之始毋得姑縱於是軍中悚息所至秋毫無犯

二十五日疏請再發江南援兵數千相機進剿

二十八日抵衢州駐節時在衢滿兵一千餘人綠旗兵二千餘人逆賊全力屯聚清湖日窺侵犯而應援

之兵猝未能至公捐貲召募家鄉勇壯五百人長子鍾麟能先意承志整甲利兵購馬贏糧簡練健丁馳赴軍前効命

六月初二日據報耿精忠潛遣奸細張連進投送逆書即令衢州副將李承恩立將連擒縛會同平南將軍賴塔都統胡圖吳申把都魯雅大里公審口供斬首示衆題報

初六日疏報賊船侵犯瑞安官兵奮勇堵擊全城

十二日常山開化剿殺偽總兵李雲龍等報捷

二十二日疏舉原任鎮臣李榮為援剿總兵官設立

年譜

三

三營官兵以榮宿將統領鼓勵用命固圍破賊

七月初一日密報逆賊侵犯金華滿漢官兵擒斬獲捷

初六日公大閱將士於水亭門宣布

皇上厚恩諱明順逆大義將士皆感激奮發願決一戰遂同賴將軍統率出城軍於坑西既壓賊營賊接戰良久退入壁公令諸將協力進攻復大戰轟礮之聲震地流丸如雨左右請少避公曰不可三軍司命少移動即為賊乘今日之事以兵勝敗為吾死生耳介冑指麾終日晚始收兵翼日復進逼之賊不敢出是役

也所提兵不滿四千擊賊數萬衆無不以一當百公親冒矢石將士勇敢用命或謂公曰公封疆大臣何不遣將督陣乃親蹈不測之險耶公曰古云將軍有死之心壯士無生之氣然後可以破敵吾若貪生誰不惜死聞者歎服

軍法斬衝協右營守備程龍坑西之戰諸將皆鼓勇爭先獨程龍臨陣退縮師還公坐營門召龍面數之明證其罪按軍法斬龍以徇諸將士見聞皆股栗紀律嚴明如此所以振新集之兵而摧方強之寇無難矣

年譜

三

初七日再疏請亟催副都統喇哈率領滿兵速至應援

時各路逆賊披猖鎮營羽書旁午晝夜不下數百通公無論官是兵投報轅門令即刻引至帳前親加撫慰詢賊情形示以戰守方畧雖深夜不倦或以爲太勞宜稍節之公曰賊勢方張人罕固志宜多方激勵使上下之情聯屬庶可滅此朝食若漢居自逸使人難得見面豈集謀廣聽一心同仇之道乎公至衢州以來禁擄掠詰姦宄信賞罰不妄殺一人

十八日疏報金衢官兵大捷擒斬僞都督嚴彪僞副

將葉國榮等

紹台湯溪石梁鎮龍游蘭谿嚴州相繼報捷

八月九月屢戰克捷疏報恢復壽昌淳安遂安諸暨

嵊縣義烏東陽等處擒賊首汪磐以歸又密拏不軌

奸徒葉日生等

十月十六日疏報招撫僞參將杜日葵率兵首先歸

順僞遊擊鄧鼎彪僞都司杜承盛僞千總李龍等投

誠

二十四日疏請增督標前後二營足五千經制之兵

策應進剿

年譜

三

十一月十五日疏報金華十二里莊大捷二十四日

疏報衢州溝溪前墓山捷功滿漢官兵在金華壽溪

地方陣斬耿精忠下僞總兵張元兆等二十餘員

二十八日疏報金華竹園村李宅馬澗捷功

十二月初十日疏報蘭谿東葉山嚴州威平鎮捷功

擒僞總統汪匪石

十四日疏報金華積道山擒殺渠逆徐尚朝等捷功

二十四日疏報嚴屬捷功恢復分水縣城

康熙十四年乙卯公五十四歲

正月初六日疏報自康熙十三年八月以後至今